

ԵՐԿՐԻ ՀՐՈՎԱՐՏԱԿ (ԽԱՐՏԻՆ ՍՇԱԿՎԱԾ ԵՐԿՐԱԳՆԻ ԽՈՐՃՐԻ ԵՎ ՄԻՋԱԶԳԱՅԻՆ ԿԱՍԱՉ ԽԱՉԻ ԿՈՂՄԻՑ, ԸՆԴՈՒՆՎԱԾ ՅՈՒՆԵՍԿՕ-Ի ԿՈՂՄԻՑ)

ՆԵՐԱԾԱԿԱՆ

Մենք գտնվում ենք Երկրի պատմության ճգնաժամային փուլում, երբ մարդկությունը պետք է ընտրի իր ապագան: Քանի որ աշխարհը դառնում է ավելի ու ավելի փոխչաղկապված և փխրուն, ապագան ուրվագծվում է միաժամանակ և մեծ վտանգով, և մեծ հեռանկարներով լի: Առաջնաբացի համար մենք պետք է գիտակցենք, որ մշակույթների ու ապրելակերպի հոյակապ բազմազանության հետ մեկտեղ մենք միասնական Երկրի ընդհանուր ճակատագիր ունեցող միասնական մարդկային ընտանիք և համակեցություն ենք: Մենք պետք է միավորվենք, որպեսզի ստեղծենք բնության ու մարդու համընդհանուր իրավունքների նկատմամբ հարգանքի, տնտեսական արդարության և խաղաղության մշակույթի վրա հիմնված կայուն գլոբալ համակեցություն: Այս ձգտման մեջ հատկապես կարևոր է այն, որ մենք, Երկրաբնակներս, հայտարարում ենք մեկս մյուսի, ամենայն շնչավորի մեջ համակեցության և ապագա սերունդների հանդեպ մեր պատասխանատվությունը:

Երկիրը, մեր տունը

Մարդկությունն անընդհատ զարգացող ընդարձակ Տիեզերքի մասն է: Երկիրը՝ մեր տունը, ապրում և իր վրա կրում է կյանքի բացառիկ ընդհանուրությունը: Բնության ուժերն ապրելը դարձնում են վտանգավոր ու անապահով, սակայն Երկիրն ստեղծում է կյանքի հարատև զարգացման համար անհրաժեշտ բնական պայմաններ: Անենայն շնչավորի համակեցության կայունությունն ու մարդկության բարեկեցությունը կախված են առողջ կենսոլորտի պահպանումից իր բոլոր էկոհամակարգերով, բույսերի ու կենդանիների հարուստ բազմազանությամբ, բերրի բնահողով, մաքուր ջրով ու օդով: Գլոբալ շրջակա միջավայրը իր սահմանափակ պաշարներով բոլոր մարդկանց ընդհանուր հոգածության առարկան է: Երկրի կենսունակության, բազմազանության և գեղեցկության պահպանումը սրբազն պարտք է:

Գլոբալ իրավիճակը

Արտադրության և սպառման գերիշխող մոդելներն առաջ են բերում շրջակա միջավայրի ամայացում, պաշարների սպառում ու տեսակմերի մասսայական բնաջնջում: Դամակեցությունները քայլավում են: Զարգացման հետևանքով առաջացող եկամուտը բաշխվում է անարդարացի, և խզումը հարուստների ու աղքատների միջև աճում է: Լայնորեն տարածված են ու մեծ տառապանք են պատճառում անարդարությունը, աղքատությունը և զինված ընդհարումները: Բնակչության աննախադեպ աճն առաջ է բերել սոցիալական ու տնտեսական համակարգերի գերբեռնվածություն: Գլոբալ անվտանգության հիմունքները վտանգված են: Այդ միտումները վտանգավոր են, բայց անխուսափելի չեն:

Ապագայի կոչը

Մենք կանգնած ենք Երկրնտրանքի առջև - Երկրի ու միմյանց մասին հոգալու նպատակով ձևավորել գլոբալ համագործակցություն կամ Ենթարկվել ինքնակործանման և կյանքի բազմազանության ոչնչացման վտանգի: Մեր արժեքների համակարգում, սահմանակարգերում ու ապրելակերպում անհրաժեշտ են արմատական փոփոխություններ: Մենք պետք է գիտակցենք, որ հիմնական կարիքները բավարարելու հետ մեկտեղ մարդկության զարգացումը առաջին հերթին Ենթադրում է գոյատևել ավելի երկար, այլ ոչ թե ունենալ ավելի շատ: Բոլոր մարդկանց կարիքները հոգալու և շրջակա միջավայրի վրա մեր ներգործությունը նվազեցնելու համար մենք ունենք բավարար չափով գիտելիքներ ու տեխնոլոգիաներ: Ժողովրդավարական ու մարդասեր աշխարհ կառուցելու համար գլոբալ քաղաքացիական հասարակությունը պետք է ստեղծի նոր հնարավորություններ: Մեր էկոլոգիական, տնտեսական, քաղաքական, սոցիալական ու հոգևոր հիմնախնդիրները փոխադարձ շաղկապված են և մենք միասին կկարողանանք մշակել ամբողջական լուծումներ:

Համընդիանուր պատասխանատվություն

Վերոհիշյալ ձգտումներն իրագործելու համար մենք պետք է համընդիանուր պատասխանատվության զգացումով ապրելու որոշում կայացնենք, մեզ համարելով ինչպես համաշխարհային համակեցության, այնպես էլ տեղական համայնքների մասնիկը: Մենք քաղաքացիներն ենք միաժամանակ տարբեր ազգերի և միասնական աշխարհի, որտեղ տեղայինը և գլոբալը փոխադարձ շաղկապված են: Յուրաքանչյուրը պատասխանատվություն է կրում մարդկային ցեղի և ավելի ընդարձակ կենսունակ աշխարհի ներկա ու ապագա բարորության համար: Ամենայն շնչավորի հետ մարդկային համերաշխության ու ազգակցության ոգին կամրապնդվի, եթե մենք ապրենք գոյության հրաշքի նկատմամբ խանդադատանքի, մեզ պարզեցնենք կյանքի համար շնորհակալության զգացումով և բնության մեջ մարդու զբաղեցրած տեղին համապատասխան համեստությամբ: Մեզ ծայր աստիճան անհրաժեշտ է հիմնական արժեքների վերաբերյալ ձևավորվող համաշխարհային համակեցության համար բարոյական հիմք ապահովող տեսակետ ունենալ: Այդ պատճառով, հույսով միաբանված, մենք սահմանում ենք կայուն ապրելակերպի փոխադարձ հետևյալ սկզբունքները իբրև ընդհանուր ստանդարտներ, որոնցով պետք է դեկավարվի և գնահատվի բոլոր անհատների, կազմակերպությունների, գործարար շրջանակների, կառավարությունների և տրանսազգային սահմանակարգերի գործելակերպը:

ՍԿԶԲՈՒՆՔՆԵՐԸ

I. ՀԱՐԳԵԼ ԵՎ ՀՈԳԱԼ ԱՄԵՆԱՅՆ ԾՆՉԱՎՈՐԻ ՀԱՍՏԱԿԵՑՈՒԹՅԱՆ ՄԱՍԻՆ

1. Հարգել Երկիրը և կյանքն իր ողջ բազմազանությամբ:

ա. Ընդունել, որ ամենայն գոյաձևը փոխադրված է և կյանքի յուրաքանչյուր դրսերում արժեքավոր է՝ անկախ մարդու համար նրա կարևորությունից:

բ. Հաստատել հավատ յուրաքանչյուր անհատի անժխտելի արժանապատվության և մարդկության մտավոր, գեղարվեստական, բարոյական ու հոգևոր ներուժի նկատմամբ:

2. Ըմբռնումով, կարեկցանքով և սիրով հոգալ ամենայն շնչավորի համակեցության մասին:

ա. Ընդունել, որ բնական պաշարներին տիրելու, կառավարելու և օգտագործելու իրավունքի հետ միասին առաջանում է շրջակա միջավայրին հասցելիք վճար կանխարգելելու և մարդկանց իրավունքները պաշտպանելու պարտավորություն:

բ. Ապահովել, որ ազատության, ուժի և գիտելիքների աճին զուգընթաց պետք է աճի համընդհանուր բարեկեցությանն աջակցելու պատասխանատվությունը:

3. Կառուցել արդարացի, սոցիալապես միասնացված, կայուն և խաղաղ ժողովրդավարական հասարակություններ:

ա. Ապահովել համայնքների կողմից բոլոր մակարդակներում նարդու իրավունքների ու հիմնական ազատությունների երաշխավորումը և յուրաքանչյուրին իր ներուժը լիովին իրացնելու հնարավորության ընձեռումը:

բ. Էկոլոգիական պատասխանատվությունը պահպանելով հանդերձ՝ օժանդակել բոլորին գոյատևելու հուսալի և նշանակալի միջոցների հասնելու հնարավորություն ընձեռող սոցիալական ու տնտեսական արդարությանը:

4. Ներկա և ապագա սերունդների համար պահպանել Երկրի առատաբերությունն ու գեղեցկությունը:

ա. Ընդունել, որ յուրաքանչյուր սերնդի գործողությունների ազատությունը որոշվում է ապագա սերունդների պահանջմունքներով:

բ. Ապագա սերունդներին փոխանցել Երկրի մարդկային ու էկոլոգիական համակեցությունների ծաղկումը երկարաժամկետ հեռանկարով ապահովող արժեքներ, ավանդույթներ և սահմանակարգեր:

Այս չորս հիմնական պարտավորությունների իրականացման համար անհրաժեշտ է.

II. ԷԿՈԼՈԳԻԱԿԱՍ ԱՄԲՈՂՋԱԿԱՍՈՒԹՅՈՒՆ

5. Պահպանել և վերականգնել Երկրի էկոլոգիական համակարգերի ամբողջականությունն՝ հատուկ ուշադրություն դարձնելով կյանքի կայունությունը ապահովող կենսաբանական բազմազանությանն ու բնական պրոցեսներին:

ա. Բոլոր մակարդակներում յուրացնել կայուն զարգացման պլաններն ու նորմերը, որոնց համաձայն՝ շրջակա միջավայրի պահպանումը և վերականգնումը իրականացվում է զարգացման բոլոր նախաձեռնությունների հետ:

բ. Երկրի կենսապահովման համակարգերի պաշտպանության, կենսաբազմազանությանը օժանդակելու և ժառանգած բնության պահպանման համար ստեղծել ու պաշտպանել կենսունակ բնական և կենսոլորտային արգելավայրեր, ճերառյալ անարատ հողերը և ջրային տարածքները:

գ. Աջակցել վտանգի ենթարկված տեսակների և էկոհամակարգերի վերականգնմանը:

դ. Հսկել և ոչնչացնել բնական տեսակների ու շրջակա միջավայրի համար վնասակար օտարածին կամ գենետիկորեն ձևափոխված օրգանիզմները, ինչպես նաև կանխել նման վտանգավոր օրգանիզմների ներմուծումը:

ե. Ղեկավարել վերականգնվող պաշարների ջրի, բնահողի, անտառային մթերքի, ծովային կենդանիների օգտագործումը այնպես, որ չգերազանցվեն նրանց վերականգնման արագությունները և ապահովված լինի էկոհամակարգերի պաշտպանությունը:

գ. Ղեկավարել չվերականգնվող պաշարների՝ օգտակար հանածոների և հեղուկ վառելանյութի հանույթն ու օգտագործումը առանց շրջակա միջավայրին լուրջ վնաս պատճառելու և նվազագույնի հասցնելով նրանց սպառումը:

6. Իրեն էկոլոգիական պաշտպանության լավագույմ միջոց՝ կիրառել շրջակա միջավայրին սպառնացող վնասի կանխարգելում և սահմանափակ գիտելիքների կամ անբավարար տեղեկությունների դեպքում՝ լինել շրջահայաց:

ա. Միջոցներ ձեռնարկել շրջակա միջավայրին սպառնացող լուրջ կամ անդառնալի վնասը կանխելու համար մինչև անգամ այն դեպքերում, երբ գիտելիքները թերի ու անավարտ են:

բ. Որևէ գործունեություն առաջարկողին պարտավորեցնել ներկայացնելու ապացույցներ լուրջ վնասի բացակայության վերաբերյալ և նախաձեռնող կողմին համարել պատասխանատու՝ շրջակա միջավայրին վնաս հասցնելու դեպքում:

գ. Ապահովել, որ որոշումներ կայացնելիս հաշվի առնվեն մարդկային գործունեության կուտակվող, երկարաժամկետ, միջնորդավորված, հեռավոր և գլոբալ հետևանքները:

դ. Կանխել շրջակա միջավայրի յուրաքանչյուր հատվածի աղտոտումը և թույլ չտալ ռադիոակտիվ, թունավոր կամ այլ վնասակար նյութերի կուտակումը:

ե. Խուսափել շրջակա միջավայրին վնաս հասցնող ռազմական գործողություններից:

7. Յուրացնել արտադրության, սպառման և վերարտադրության այնպիսի կառուցվածքներ, որոնք երաշխավորում են Երկրի վերականգնողական հնարավորությունների պահպանություն, մարդու իրավունքների պաշտպանություն և հասարակության բարեկեցություն:

ա. Նվազագույնի հասցնել, վերամշակել և վերաօգտագործել արտադրության ու սպառման համակարգերուն օգտագործված նյութերը, ապահովելով էկոհամակարգերի կողմից թափոնների յուրացման հնարավորություն:

բ. Խնայողաբար և արյունավետ օգտագործել էլեկտրաէներգիան՝ ավելի ու ավելի ընդլայնելով էներգիայի այնպիսի վերականգնվող աղբյուրների օգտագործումը, ինչպիսիք են արևը և քամին:

գ. Օժանդակել էկոլոգիապես ընդունելի տեխնոլոգիաների օարգացմանը, ներդրմանը և արդարացի փոխանցմանը:

դ. Ապրանքների ու ծառայությունների էկոլոգիական և սոցիալական ամբողջական արժեքը արտահայտել վաճառքի գների մեջ և սպառողի համար հնարավորություն ստեղծել արտադրանքը համեմատելու սոցիալական ու էկոլոգիական բարձրագույն ստանդարտների հետ:

ե. Երաշխավորել սեռական առողջություն և կարգավորվող վերարտադրություն ապահովող առողջապահության ծառայություններից օգտվելու համընդիանուր հնարավորություն:

գ. Յուրացնել սահմանափակումներ ունեցող աշխարհում կյանքի որակին և նյութական բարեկեցությանը առանձնահատուկ նշանակություն տվող ապրելակերպ:

8. Զարգացնել էկոլոգիական կայունության ուսումնասիրությունը և օժանդակել ձեռք բերված գիտելիքների անվերապահ փոխանակմանն ու լայն կիրառմանը:

ա. Կայունության ոլորտում աջակցել միջազգային գիտական և տեխնիկական համագործակցությանը՝ հատուկ նշանակություն տալով զարգացող Երկրների կարիքներին:

բ. Ընդունել և պահպանել բոլոր մշակույթների մեջ շրջակա միջավայրի պաշտպանության ու մարդկության բարեկեցության համար օգտակար ավանդական գիտելիքները և հոգևոր իմաստությունը:

գ. Մարդու առողջության և շրջակա միջավայրի պաշտպանության համար կենսական կարևորություն ունեցող, այդ թվում և ժառանգականության հարցերին վերաբերող ինֆորմացիան դարձնել համընդիանուր սեփականություն:

III. ՍՈՑԻԱԼԱԿԱՆ ԵՎ ՏՆՏԵՍԱԿԱՆ ԱՐԴԱՐՈՒԹՅՈՒՆ

9. Արմատախիլ անել աղքատությունը՝ համարելով այն բարոյական, սոցիալական և էկոլոգիական հրամայական պահանջ:

ա. Երաշխավորել խմելու ջուր, մաքուր օդ, անվտանգ սնունդ, չաղտոտված բնահող, բնակարան և անվտանգ սանիտարական պայմաններ ունենալու մարդու իրավունքները՝ առանձնացնելով անհրաժեշտ ազգային և միջազգային միջոցներ:

բ. Երաշխավորել բոլոր մարդկանց հնարավորություն՝ օգտվելու կրթահամակարգից ու պաշարներից, որն անհրաժեշտ է գոյատևման կայուն միջոցներ ապահովելու համար, իսկ նրանց համար, ովքեր ի վիճակի չեն ինքնապահովման, նախատեսել սոցիալական պաշտպանություն և անվտանգության համակարգեր:

գ. Ընդունել թշվառներին, պաշտպանել խոցելիներին, օգնել տառապյալներին, նրանց համար ստեղծել իրենց ունակությունները զարգացնելու և ձգտուններին հետևելու հնարավորություններ:

10. Երաշխավորել տնտեսական գործունեության և սահմանակարգերի կողմից աջակցություն մարդկային զարգացմանը՝ բոլոր մակարդակներում արդարացի ու կայուն կերպով:

ա. Օժանդակել բարիքների ներազգային և միջազգային արդարացի բաշխմանը:

բ. Զորեղացնել զարգացող ժողովուրդների մտավոր, ֆինանսական, տեխնիկական ու սոցիալական պաշարները և ազատել նրանց միջազգային ծանր պարտքերից:

գ. Երաշխավորել առևտորի օժանդակությունը պաշարների կայուն օգտագործմանը, շրջակա միջավայրի պաշտպանությանը և առաջարկ աշխատանքային ստանդարտներին:

դ. Տրանսազգային կորպորացիաներից և միջազգային ֆինանսական կազմակերպություններից պահանջել գործունեության «բափանցիկություն» ի շահ հասարակության՝ համարելով նրանց պատասխանատու իրենց կողմից կատարվող գործողությունների հետևանքների համար:

11. Իբրև կայուն զարգացման նախադրյալ սահմանել սեռերի իրավահավասարություն և փոխարարերությունների արդարություն և ապահովել կրթահամակարգից, առողջապահությունից ու տնտեսական միջոցներից օգտվելու համընդիանուր հնարավորություն:

ա. Ապահովել կանանց ու աղջիկների իրավունքները և վերջ տալ նրանց նկատմամբ ամեն տեսակ բռնությանը:

բ. Աջակցել տնտեսական, քաղաքական, քաղաքացիական, սոցիալական ու մշակութային կյանքի բոլոր ոլորտներում կանանց ակտիվ մասնակցության իբրև լիիրավ գործընկերներ, որոշում կայացնելու ունակ անձինք, առաջնորդներ և շահառուներ:

գ. Ամրապնդել ընտանիքները և ընտանիքի բոլոր անդամների համար ապահովել անվտանգություն ու դաստիարակություն սիրո նթնոլորտում:

12. Առանց խտրականության պաշտպանել բոլոր մարդկանց արժանապատվությունը, մարմնական առողջությունը և հոգևոր բարօրությունն ապահովող բնական ու սոցիալական միջավայր ունենալու իրավունքները, հատուկ ուշադրություն դարձնելով հիմնարնակների ու փոքրամասնությունների իրավունքներին:

ա. Բացառել խտրականությունն իր բոլոր դրսևորումներով, ինչպիսիք են խտրականությունն ըստ մաշկի գույնի, սեռազգայական կողմնորոշման, ռասայական, սեռական, կրոնական, լեզվային, ազգային, էթնիկական կամ սոցիալական հատկանիշների:

բ. Հաստատել հիմնարնակ ժողովուրդների սեփական հոգևոր ակունքներ, գիտելիքներ, հողեր, պաշարներ և կենսագործունեության ավանդապես կայուն մոդելներ ունենալու իրավունքները:

գ. Հարգել ու աջակցել մեր հասարակության երիտասարդ՝ մարդկանց՝ նրանց հնարավորություն տալով էական դեր խաղալու կայուն հասարակությունների ձևավորման գործում:

դ. Պահպանել և վերականգնել մշակութային ու հոգևոր տեսակետից հատուկ նշանակություն ունեցող վայրերը:

IV. ԺՈՂՈՎՐԴԱՎԱՐՈՒԹՅՈՒՆ, ՀՐԱԺԱՐՈՒՄ ԲՈՆՈՒԹՅՈՒՆԻՑ

ԵՎ ԽԱՂԱՊՈՒԹՅՈՒՆ

13. Բոլոր մակարդակներում ամրապնդել ժողովրդավարական սահմանակարգերը, ապահովել կառավարման հաշվետվություն ու քավանցելիություն, ինչպես նաև մասնակցություն որոշումների կայացմանը և արդարադատության մատչելիություն:

ա. Պաշտպանել յուրաքանչյուր մարդու իրավունքը ժամանակին ու հստակ տեղեկություն ստանալու շրջակա միջավայրի հարցերի և բոլոր պլանների ու գործունեության վերաբերյալ, որոնք կարող են վերաբերել նրան կամ շոշափել նրա շահերը:

բ. Աջակցել տեղական, տարածքային և գլոբալ քաղաքացիական հասարակությանը, օժանդակել բոլոր շահագրգուված անձանց ու կազմակերպությունների լիարժեք մասնակցությանը՝ որոշումներ կայացնելու գործընթացին:

գ. Պաշտպանել կարծիքների ազատության, արտահայտությունների, խաղաղ հավաքների, միությունների և տարահայացքության իրավունքները:

դ. Սահմանել վարչական և անկախ դատական ընթացակարգերի հետ առնչության արդյունավետ ու գործուն հնարավորություն ներառյալ շրջակա միջավայրին հասցված վճասի և այդպիսի վտանգի հանար հատուցումն ու բավարարությունը:

ե. Պետական և մասնավոր բոլոր կառույցներում արմատախիլ անել կաշառակերությունը:

գ. Ամրապնդել տեղական համակեցությունները, նրանց հնարավորություն տալով հոգալու իրենց շրջակա միջավայրի մասին և սահմանել շրջակա միջավայրի պահպանության պարտականություններ՝ դրանց առավել արդյունավետ իրագործումն ապահովող դեկավարման մակարդակներում:

14. Պաշտոնական կրթահամակարգի և հարատև ուսուցման մեջ ներգրավել կայուն ապրելակերպի համար անհրաժեշտ գիտելիքներ, արժեքներ և փորձ:

ա. Բոլորին, հատկապես երեխաներին և երիտասարդությանը ապահովել կրթություն ստանալու հնարավորությամբ, որը նրանց թույլ կտա ակտիվորեն աջակցել կայուն զարգացմանը:

բ. Խթանել կայունության ոլորտում կրթության մեջ արվեստի, գրականության, ինչպես նաև գիտության ներդրումը:

գ. Ուժեղացնել զանգվածային լրատվական միջոցների դերը էկոլոգիական և սոցիալական հիմնախնդիրների մասին իրազեկությունն ընդլայնելու հարցում:

դ. Գիտակցել կայուն ապրելակերպի համար բարոյական և հոգևոր կրթության կարևորությունը:

15. Ամենայն շնչավորին վերաբերվել հարգանքով և կարեկցանքով:

ա. Բացառել դաժանությունը մարդկային հասարակության մեջ պահպող կենդանիների նկատմամբ և պաշտպանել նրանց տառապանքից:

բ. Պահպանել վայրի կենդանիներին՝ ուժեղ, տևական կամ կարճատև տառապանք պատճառող որսի, թակարդով բռնելու կամ ձկնորսության եղանակներից:

գ. Առավելագույնս խուսափել կամ բացառել այն տեսակների առանձնյակների որսը կամ կորուստը, որոնք իրականացվող գործունեության նպատակը չեն:

16. Ձևավորել համերուժողականության, բռնությունը բացառող և խաղաղության մշակույթ:

ա. Աջակցել ու խրախուսել բոլոր մարդկանց միջև, ներազգային և ազգամիջյան փոխըմբռնումը, համերաշխությունն ու համագործակցությունը:

բ. Կիրառել անողորմ ընդհարումները կանխող համապարփակ ռազմավարություններ, իսկ էկոլոգիական տարածայնությունների ու այլ վեճերի կարգավորման ու լուծնան համար՝ համագործակցության եղանակներ:

գ. Ազգային անվտանգության համակարգերն ապառազմականացնել մինչև պրովոկացիայի հնարավորությունը բացառող մակարդակը և ռազմական միջոցները վերակողմնորոշել դեպի խաղաղ նպատակները, այդ թվում նաև՝ դեպի էկոլոգիական վերականգնում:

դ. Վերացնել միջուկային, կենսաբանական, քիմիական և մասսայական ոչնչացման գենքի այլ տեսակները:

ե. Ուղեծրային ու կոսմիկական տարածությունն օգտագործելիս ապահովել շրջակա միջավայրի պաշտպանությունը և խաղաղությունը:

գ. Գիտակցել, որ համընդիանուր խաղաղությունն ստեղծվում է արդարացի վերաբերմունքով ինքն քո, այլ մարդկանց, այլ մշակույթների, կյանքի, երկրի և մի հսկայական միասնության նկատմամբ, որի մասնիկ ենք մենք:

ԱՌԱՋԸՆԹԱՑ

Ընդհանուր ճակատագիրը, ինչպես երբեք պատմական անցյալում, մեզ կոչ է անում որոնել նոր սկիզբ: Նման բարեփոխում խոստանում են Երկրի Հրովարտակի սկզբունքները: Այդ հեռանկարին հասնելու համար մենք պետք է պարտավորվենք կիրառել Երկրի Հրովարտակի արժեքներն ու գաղափարները և սատարել նրանց:

Դա պահանջում է հոգու և մտածելակերպի փոփոխություններ: Դա պահանջում է գլոբալ փոխադրվածության և համընդհանուր պատասխանատվության նորովի գիտակցում: Տեղական, ազգային, տարածաշրջանային և գլոբալ նակարդակներում մենք պետք է ստեղծագործաբար զարգացնենք ու կիրառենք կայուն ապրելակերպի հայեցակարգը: Մեր մշակութային բազմազանությունը անգնահատելի ժառանգություն է, և տարբեր մշակույթները կգտնեն այդ աշխարհայացքի իրացման իրենց ուրույն ուղիները: Մենք պետք է խորացնենք և ընդլայնենք Երկրի Հրովարտակի կողմից նախաձեռնվող գլոբալ երկխոսությունը, քանի որ դեռևս շատ բան ունենք սովորելու ճշմարտության ու իմաստության որոնումների ընթացքում:

Հաճախ կարևոր արժեքների միջև ծագում է լարվածություն: Դա կարող է բարդացնել ընտրությունը: Այնուամենայնիվ մենք պետք է ուղիներ գտնենք ներդաշնակելու բազմազանությունը եզակիության հետ, ազատության օգտագործումը հասարակական բարօրության հետ, կարճաժամկետ խնդիրները երկարաժամկետ նպատակների հետ: Յուրաքանչյուր անհատ, ընտանիք, կազմակերպություն և համայնք պետք է կենսականորեն կարևոր դեր խաղան: Արվեստը, գիտությունը, կրոնը, կրթահամակարգերը, մասսայական հաղորդագրության միջոցները, գործարար շրջանները, ոչ կառավարական կազմակերպությունները և կառավարությունները - սրանք բոլորը կոչված են առաջարկելու ստեղծարար դեկավարում: Կառավարության, քաղաքացիական հասարակության և գործարար շրջանների համագործակցությունը եական է արդյունավետ դեկավարման համար:

Կայուն համաշխարհային համակեցություն կառուցելու նպատակով աշխարհի ազգերը պետք է վերահստատեն իրենց պարտավորությունները ՄԱԿ-ի հանդեպ, կատարեն իրենց պարտավորությունները գոյություն ունեցող միջազգային համաձայնագրերի սահմաններում և սատարեն Երկրի Հրովարտակի սկզբունքների իրագործմանը շրջակա միջավայրի ու զարգացման ոլորտում պարտադիր միջազգային իրավական մեխանիզմների միջոցով:

Թող մերը լինի այն ժամանակը, որը կիհշվի իբրև կյանքի նկատմամբ հարգանքի վերականգնման, կայունության հասնելու վճռականության, հանուն արդարության ու խաղաղության պայքարի խթանման և կյանքի ցնծալի հաղթանակի ժամանակաշրջան:



Բովանդակություն